

Copa Classico Aruba 2001 dedica tambe na Sr. Joy Kock

ORANJESTAD-Joy a cuminza hunga baseball cu 8 aña den team di barrio cu tabata "Watertoren Boys". Esaki tabata promer cu tabatin Little League na Aruba. E tempo aya tabatin varios campeonato durante aña entre teamnan di barrio di Playa cu tabata Companashi, Eagle, Rancho, Klip, Mon Plaisir y "Watertoren Boys". Despues Joy a bai hunga baseball pa Sint Thomas Boys y La Salle y a hunga den A-

klas, tambe el a hunga un aña den Dobbel A.

Softball tambe Joy a hunga pa Eagle Stars den Dobbel A como pitcher y primera base. Den Aruba Jrs. Joy a hunga futbol di Junioren te reserve hoofdklas y tambe futbol den Estudiantes A-klas.

Joy a hunga Basketball tanto den B-klas y A-klas 5 aña pa Aruba Jrs. y tabata campeon pa varios aña. Pa motibo di un lesion fuerte na rudia Joy a laga


deporte na edad hoben y a regresa den softball veterano despues di hopi aña. Den Aruba Jrs./Aeguros Aponte Joy ta hungando pa 11 aña den Liga Mayor y ultimo añanan como Manager. Joy a mante y hunga Softball na Corsow, Costa Rica, Puerto Rico, Estado Falcon, San Felipe, Santo Domingo, Cuba y a enfrenta un equipo di Hulanda na Aruba. Como manager den weganan internacional Joy tin un average di weganan

gana di mas di 750.

Joy a hunga softball tambe pa e equipo di prensa den añanan '670 y un temporada cortico pa Tele Aruba Softball team. Joy tabata e promer locutor cu a narra un partido di baseball na Papiamento riba iniciativa di Stanley Arends pasobra den e epoca aya ta na Spaño sp tabata transmiti weganan di baseball. Joy no pora permiti cu nos Papiamento no ta ser respeta.

Na 1997 Joy a maneha Aruba Jrs. Vets y a logra sub-campeon oficial na Aruba. Na 1999 bao maneho di Joy Aruba Jrs. Vets ta bira campeon di torneo di "North Eagle Stars". Na April 2001 Joy ta maneha Aruba Jrs. Vets pa gana e intercambio deportivo na Estado Falcon contra A.J.I.P., Joy ta e persona cu a trece e nomber "Liga Mayor di Softball" como cu tur e hungadornan ta mayornan. Tambe Joy ta fundador di e torneo di Softball "Himno y Bandera" y "Copa Clasico di Softball". Bao Joy su iniciativa y Aruba Jrs. Vets a honra hopi hungador grandi di Aruba entre otro Paus Ruiz, Alfredo Ruiz, Luis Swean, Nel Harms, Ramon Buckley, Jossito Muyale, Ro Agumbero, Taita Ponson, Feki Caster, Edwin de Cuba, Juan v.d. Biezen, Ruben Philips, Boei Brion, Benny Geerman, Victor Albus, Vicente Williams, nadeis Reyes, Cabo Quilotte, Pagigi Martinez, Pantin Guerrero d.f.m., Chico Romero d.f.m., Tico Kuiperi d.f.m. y como umpire ehemplar a honra Mito v.d Biezen.

Tambe mester mencion cu Joy a hunga Ping Pong y tabata campeon hubenil di club di frerenan di St. Thomas Bond.



Joy ta un scuba-diver diploma di PADI y ta dive pa hobby. Apesar cu Joy ta conoci como musico toch e tin un carrera impresionante como deportista. Actualmente Joy a reanuda training di tennis cu e internacional Eddy Ras na Eagle International tennis Club.

Pues manera menciona Copa Classico 2001 ta wordo dedica na Oslin Juan Boekhoud y Joy Kock y ta cuminza Diadomingo awor dia 29 di Mei na Club Caribe pa 10'or di mainta y ta ser organiza pa Botica Centra Clippers Softball Team. E campeonato lo bai conta cu participacion di 8 equipo y lo dura tres siman.